

Izotz Hockeya

◆ Gregorio Martin ◆ Angelu-Hormadiko atezaina

«Euskaldun orok amesten du maila honetan jokatzeari»

L atxague atezain titularrari postua kendu eta Hormadik etxetik at jotatuko dituzten bost neurketetan premiazkoa izango da bere lana. Zortzi urterekin hasi zen Bilboko Nogaron, eta dozena erdiren bat urte jardun ondoren, taldea desagertu eta Gasteiza jo zuen. Talde honekin maila nagusian jokatzeari lortu zuen eta sei urteren ostean Txuri Urdinen hasi zen jotatzen. Donostiarrekin bi Liga eta bi Kopa irabazita, aurten Angelu-Hormadirekin fitxatu du 26 urterekin.

Koldo Alduntzin / Angelu

■ Zer-nolako esperientzia izan zen Gasteizkoa?

Niretzat oso esperientzi ona izan zen, han egin bainintzen jokalaritza eta pertsona. Junior nintzela lehen mailan hasi nintzen jotatzen eta asko ikasi nuen. Nahiz eta partidu askorik ez irabazi, han ikasi nuen gelditzen eta Txurira jauzi egiteko zubi izan ondoren Angelun amaitu dut, joka dezakekan maila gorenean.

■ Beharrezkoak al dituzte euskal taldeek atzeritarrak?

Oraingo baletz uste dut, baina jokalaritza onak ekarri behar dituzte, eta ez ekartzeagatik, edozein ekarri. Maila hobetzeko baliagarriak direnak ekarri behar lituzkete, guk haiengandik zerbaite ikasteko, onak ez badira hobeto ez ekartzea.

■ Ikusten al duzu alderik finlandiar, kanadar, txekiar edo suediarren artean?

Bai, orokorrean ez bada, bada go alderik. Ekialdeko jokalariek disziplina handiagoa dute eta kanadarrek atxikimendu handiagoa dute horma gaineko hockeyarekin. Nik nahiago ditut kanadarak, uste baitut gure antza dutela.

■ Zergatik onartu zenuen Angeluren eskaintza?

Kirolagatik izan zen gehienbat. Nire ustez hemengo Ligan aritzea dela euskaldun batek amesten duena. Horregatik, hemen jotatzeko aukera eman zidaten eta ez nuen gehiegi pentsatu. Egia esatea nahi baduzu, ez nekien Elite Ligan ariko nintzenik, baina begira, hiruzpalau partida jotatu ditut eta uste dut bide egokirik ari naizela. Oso pozik nago eta gus-tura jarraituko nuke beste urte batez.

■ Gustura zaude, baina sos batzuk ere jasoko dituzu.

Nire mailan dihardugunok 150.000 pezeta jasotzen ditugu. Nolanahi ere, eskalafoi desberdinak daude. Atxeritarrek esate



Gregorio Martin Angeluko La Barre pistako aldageltan, Reims-en kontra jokatu ondoren.

KOLDO ALDUNTZIN

baterako, askoz gehiago kobratzen dute. Gero, badira batzuk etxebizitza dohan dutenak, beste batzuk kotxea. Bestalde, taldean egin dituzun urteek ere badute zerikusirik. Garrantzitsua da lehen urtean erakustea zure balioa eta gero eskatuko duzu.

■ Hortaz, kasik profesionalak zarete.

Beno, profesionalak ez. Hau... badakizu, gaurko ogia biharko gosea. Ezin duzu buru-belarri jardun honetan. Enpresarialetako bosgarren maila amaitu behar dut. Bestalde, aprobetxatu nahi dut frantzesera pittin bat ikasteko eta etxetik kanpo bakkarik bizitzen moldatzeko.

■ Zer suposatzen du bat-batean astearte eta larunbat gehienetan jotatzeari?

Tira... erabateko aldaketa. Bidasoaz bestalde jotatzen nuenean astean hirutan entrenatzen genuen eta astean behin partidua. Hemen, bospasei entrenamendu dira eta bi neurketa astean. Gero, asko zaindu behar duzu burua, nola elikadura hala fisiko aldetik, han lesio gutxi izaten bai-

tuz eta hemen gorputz osoa izaten duzu mindua; orduan konturatzeko zara zer den maila hebean jotatzeari zer den.

■ Zertan uste duzu hutsegiten duzuela?

Uste dut gol pare bat sartzea eta eusteko behar den esperientzia pittin bat. gainerako taldeek eutsi egiten dute, eta gero gola sartzen digutenean, behera egiten duzu. Bestalde, ea fitxatu ditugun jokalariek zertxobait laguntzen diguten.

■ Latxagueri kendu diozu postua.

Pertsonalki pozgarria izan da, ezta? Baina, bestalde, badakit ez naizela bera baino askoz hobea eta ezta bera ni baino askoz hobea ere. Maila beretsuan dihardugu, eta hain Liga luzean, ondo dago.

■ Zein talde ikusi duzu indartsuen?

Guztioi Grenoble iruditu zaigu osatuena. Hori eta Amiens kenduta, badira lau zapabost talde gu baino hobek direnak, baina beldurrik ez dieguna. Hemen, La Barre pistan kostako zaie irabaztea, txikia baita. Grenoble eta Amiens-en pistetan oso zaila da.

■ Aitzineko zortzi postuetan sartzea zaila izango da.

Beno, zaila da, baina ezinezkoa ez. Bizpahiru partidu irabazi eta berehala aurrean jartzen zara. Zoritxarrez, Bodelek bizpahiru neurketa irabazi ditu jarraian eta ihes egin digu pittin bat, baina Angers eta Viryren kontra jotatu behar dugu, eta... X

laburrean

FUTBOLA

■ 'Lan onari' saria eman dio Eusko Jaurlaritzak Telmo Zarraonandiari

LANEAN izan duten ardura, irmotasun eta ekimen izpirituagatik nabarmendu diren euskal herritarrei ematen zaien Eusko Jaurlaritzaren 'Lan onari' saria Telmo Zarraonandiari Zarra Athleticen jokalaritza ohia ematea erabaki zuen atzo Jaurlaritzako Gobernu Batzordeak, Jose Antonio Ardanza lehendakariaren proposamen bat onartuz. Kirol munduarekin harreman zuzena duen beste lagun batek ere, Juan Arregi Alaveseko presidentea eta enpresarioari ere eman diote 'Lan onari' saria. X

■ Orain hogeitaz bost fitxaketaren zergak ordaindu behar ditu Athleticen

ATHLETIC taldeak 1975 eta 1977 bitartean egin zituen bost fitxaketaren transmisio zerga ordaintzera behartu du talde zuri-gorria auzitegi gorenak. Fitxatu zituen bost jokalarien artean Javier Iruretagoiena Irureta eta Iñaki Txurruka zeuden. Bostak fitxatzea 110.026.250 pezeta kostatu zitzaion talde zuri-gorriari. Orain, Entzutegi Nazionalak bere garaian hartutako erabakia atzera bota du Auzitegi Gorenak eta zerga hori ordaintzera behartzen du Athletic taldea. X

1 FORMULA

■ Denboraldi berrirako izen emateen behin behineko zerrenda zabaldu da

1998KO 1 Formulako Munduko Txapelketarako zerrenda atzo zabaldu zuen Automobilaren Nazioarteko Federazioak. Hemeretzi dira orain arte zabaldu diren izenak. Hor daude, jakina, aurtengo irabazlea Williamsen Jacques Villeneuve kanadiarra eta bere eskuderiala Michael Schumacher alemaniarra; bi gidari hauek eramango dituzte 1 eta 2 zenbakiak. Michael Schumacherrek datorren urtearekin azkenean belztu zaion azkeneko Munduko Txapelketa ahaztu nahiko du; 3 zenbakiak izango da berarentzat eta 4 Eddie Irvine bere eskuderiala-arentzat. Zerrendan daude ere, besteak beste: Irvine, Colthard, Hakkinen, Hill, Ralf Schumacher, Alesi eta Barrichello. Tyrrell Ford eta Minardi Ford eskuderialak oraindik ere ez dituzte ezagutzea eman datorren urteko gidariak. X

SOKATIRA

■ Nafarroako Sokatira Txapelketaren 600 kiloko lehen jardunaldia jotatuko da Larrainzarren

Goizeko 11:00etan hasita, 600 kiloko txapelketa hasiko da gaur Larrainzarreko pilotalekuan. Guztira hiru jardunaldi izango dituzte eta bost talde ariko dira lehen: Beti Gazte, Txantrea, Areso, Imotz eta Ultzama. Orain arte bi pisu erabaki dira Nafarroako txapelketa honetan, eta 680 kiloetan Areso nagusitu bazen, joan den larunbatean amaitu zen 640koan, Beti Gazte izan zen garaile. Lesakako Beti Gazte da egungo txapelketa pisu honetan eta Imotz lehen aldiz ariko da, aurreko bietan ez baitzuen jardun. X

JOXE LACALLE



Nafarroako kirolari onenak saritu dituzte

NAFARROAKO Gobernuak lehendakari Miguel Sanzek, 1997ko nafar kirolaririk onenak saritu zituen atzo, Nafarroako jauregian. Gizonezkoen artean, Fernando Arretxe pilotariak jaso zuen saria, eta emakumezkoen artean, berriz, Arantxa Reinares atletak. Enrique Martin Monreal Osasunako entrenatzailea, Nafarroako Atletismo Federazioa, San Cernin Kirol Elkarte, Pamplona Atletico eta Banesto taldeko gazteen taldea izan ziren beste sarituak. Miguel Sanzek, halaber, Nafarroako Gobernuak Nafarroako Kirolaren Aldeko Fundazioa eta Kirolaren Nafar Kontseilua eratzearen asmoa duela jakinarazi zuen atzoko ekitaldian.

«Bodelek ihes egin digu pittin bat, baina oraindik lor dezakegu zortzigarren postua, Angers eta Viryren kontra jotatu behar baitugu»